

/radni prijevod/

24. juli 2001. godine

Gospodin Husein Mahmutović
Načelnik Općine Ilidža
Kanton Sarajevo
Federacija Bosne i Hercegovine
Bosna i Hercegovina

OHR-RRTF/LA/2001/66

Poštovani gospodine Mahmutović,

Obraćam Vam se u vezi Vašeg pisma od 6. septembra 2000. godine u kojem ste zatražili pismeno izuzeće od Odluke Visokog predstavnika od 27. aprila 2000. godine kojom se zabranjuje dodjeljivanje državne imovine, uključujući i bivšu imovinu u društvenoj svojini.

Naime tražite od ovog Ureda da dozvoli Općini Ilidža da dodijeli zemljišnu parcelu koja je u zemljišnim knjigama uknjižena kao katastarska čestica 298/1, površine 540 kvadratnih metara, K.O. Butmir Donji, gospođi Hamidi Hasanović za individualnu stambenu gradnju.

Zemljišno-knjižni izvadak koji ste dostavili u prilogu jasno pokazuje da se gore navedeni katastarski broj odnosi na neizgrađeno građevinsko zemljište u društvenoj svojini i da je nosilac prava raspolaganja Općina Ilidža. Nije uknjižen raniji korisnik ovoga zemljišta.

Općinsko vijeće općine Ilidža je odobrilo dodjelu predmetnog zemljišta svojom Odlukom br. 01-31-3750/00 od 18. septembra 2000. godine. Općinski Odjel za urbanizam je u svojoj Odluci broj 03-23-3751/00 od 31. avgusta 2000. godine dao urbanističku saglasnost za preloženu izgradnju. Dodjelu predmetnog zemljišta je odobrio i kantonalni javni pravobranilac, gospođa Nermina Zaćiragić, svojim aktom broj U-315/00 MF/MS od 8. juna 2001. godine, u kojem se kaže da nema zakonskih prepreka za izdavanje zatraženog pismenog izuzeća od Odluke Visokog predstavnika od 27. aprila 2000. godine.

Gospođa Hasanović dužna je platiti naknadu u iznosu od 11.637,00 KM.

Uzimajući u obzir podatke koje ste dostavili, ovaj Ured odobrava Općini Ilidža da izvrši dodjelu gore navedenog zemljišta u gore opisanu svrhu.

Kako je ovo izuzeće odobreno na osnovu pravovaljanosti dokumentacije koju ste dostavili, ovo izuzeće će prestati važiti ukoliko nadležni sud, konačnom i obavezujućom odlukom, dovede u pitanje autentičnost ili tačnost ovih dokumenata, odnosno podataka koje sadrže.

Ovo izuzeće se takođe odobrava na osnovu i pod uslovom da gore pomenuti korisnik ili članovi njene najuže porodice, ukoliko ona ili članovi njene najuže porodice koriste

napuštenu imovinu ili imovinu koja je predmetom zahtjeva za povrat, u potpunosti napuste tu imovinu u roku od maksimum 90 dana od dana vašeg prijema ove Odluke. Uz to, u gore pomenutom roku, ona Vašem uredu mora dostaviti ispravno dokumentovane dokaze, koje je potvrdio nadležni stambeni organ, da su ona odnosno članovi njene najuže porodice u potpunosti napustili svu takvu imovinu, te da su imovinu ostavili u useljivom stanju. Ukoliko ne budu ispunjeni ovi uslovi, ova Odluka o izuzeću prestaje da važi po isteku gore pomenutog roka.

S poštovanjem,

(potpisao)

Jayson O. Taylor
v.d. zamjenika Visokog Predstavnik za povratak
Zamjenik šefa odsjeka
za povratak i rekonstrukciju